

## INFORMACIJA SAR TE DEL LAV

**Avrikidňipen andre le krajengere ačhad'ipena la Čechikona republikakere  
paraščovine andro d'ives 2. oktobris 2020 le 14.00 orendar dži 22.00 ori  
the sombat 3. oktobris 2020 le 8.00 orendar dži 14.00 ori u**

### O voličis hin

- ✓ la Čechikona republikakero themutno,
- ✓ so najnasigeder 3. oktobriste 2020 dochudela 18 berš;
- ✓ u hin prihlašimen kijo l'ikerdo ačhiben andro foros gav, so perel tel o themutno obvodos le krajostar.

**O hazdňipen predžal ča pre phuv la Čechikona republikakeri, kada andre 13 kraja (kada hazdňipen na predžal andro hlavno foros Praha). O voličis šaj del lav ča andre kada avrikidňipnaskero okrskos, kaj hino prihlašimen kijo l'ikerdo ačhiben u zapisimen andre le voličengero permanentno soznamos. Kada na perel pro voliči, so den lav pro voličengero preukazis (dikh teleder).**

### O avrikidňipnaskere kartki

O avrikidňipnaskere kartki vaš o avrikidňipen andre le krajengere ačhad'ipena hine demade avrether pre savi politicko sera, politicko čalaviben abo koalicija.

Pre sako avrikidňipnaskeri kartka hin o čislos le subjektoskero, so kandidinel, určimen le loseha. Na kempel, kaj o avrikidňipnaskere kartki keren kompletno čiselnos šoros, bo varesave le kandidinde politickone serendar, politickone čalavibnendar abo koalicensendar na kandidinen andre savore kraja, abo te o kandidatno l'il le kandidinde subjektoha na ačhil'a registrimen.

E informacija pal le kandidatengero členstvos andro politicka seri the politicka čalavibena hin pisimen pre avrikidňipnaskeri kartka charňaripnaha; ; o soznamos le o soznamos le charňaripnenca pes publikinel pro internetova seri le Androne Ministerstvostar (Ministerstvo vnitra) [www.mvcr.cz](http://www.mvcr.cz) andre sekcija Informačno servis -> Avrikidňipen -> Avrikidňipen andre le krajengere ačhad'ipena (odražka *Soznamos le charňaripnenca le politickone serengere the politickone čalavibnengere*).

**O avrikidňipen andro Senatos ačhel jekhetane le avrikidňipnaha andro Senatos le Parlamentoskero la Čechikona republikakero. O farbi le uradnone kopertkendar the o avrikidňipnaskere kartki vaš o individualna volbi hine aver. E avrikidňipnaskeri kartka the e uradno kopertka vaš o avrikidňipena andre le krajengere ačhad'ipena hine šiva, o avrikidňipnaskere kartki the e uradno kopertka vaš o avrikidňipen andro Senatos hine šarga.**

Andro avrikidňipnaskero kher pes den angle o informaciji pal kada, hoj varesavo kandidatos mukhel leskeri kandidatura abo pal kada, hoj o kandidata pes len pale. **Kana pes arakhel avri, sar o volbi dopejle, ta pes o dine lava vaš kajso kandidatos na ginen andre.**

### Sar o hazdňipen predžal

**O voličis mušinel andro avrikidňipnaskero kher te presikhavel leskeri identita the leskero štatno themutňipen la Čechikona republikakero**

- ✓ le platnone občanskone preukaziha,
- ✓ le platnone dromengere pasoha la Čechikona republikakero

**Te o voličis na presikhavel leskeri identita the o štatno themutňiben (občanstvos) la Čechikona republikakero le kempel'utne dokladoha, na ela leske domukhlo te del lav.**

O voličis resela la okrskovona avrikidňipnaskera komisijatar čuči uradno kopertka, so pre late hin e uradno pečatka. Te jov kada mangel, e komisija les tiž dela e sada le avrikidňipnaskere kartkicengeri.

## **Sako voličis del lav korkoro, ñiko aver na šaj te del lav vaš leske.**

La uradnona kopertkaha the le avrikidñipnaskere kartkicenca mušinel o voličis te džal andro than, kaj pes prikeren o kartki. Avreder o hazdñipen leske na ela domukhlo. O voličis thovel andre uradno kopertka jekh avrikidñipnaskeri kartka vaš e politicko sera, o politicko člaviben abo koalicija, vaš savo abo savi jov pes rozgind'a te del lav. Pre avrikidñipnaskeri kartka, kada isto so jov thovel andre čuči uradno kopertka, jov šaj avka, hoj kerel e kerekori pašal o šoreskero numero najbuter ča paš 4 kandidata, phenel, save kandidates jov del angl'ipen (jov del les o preferenčno lav).

**O voličis mušinel te bajinel te olestar, kaj te thovel andre uradno kopertka ča jekh avrikidñipnaskeri kartka, avreder le voličengero lav nane platno. Kana pes o avrikidñipena keren jekhetane, kempel, kaj e avrikidñipnaskeri kartka pes thovel andre uradno kopertka, so lake hin kada isto farba, avreder le voličeskero lav na mol (nane platno).**

Nalače hine tiž kajse kartkici, so nane pro kempel'utno formularis, o avrikidñipnaskere kartkici, so hine prečhingerde, the o kartkici, so nane thode andre uradno kopertka.

O voličis hazdel avka, hoj jov thovel e uradno kopertka la avrikidla avrekidñipnaskera kartkicaha angle e okrskovo avrikidñipnaskeri komisija andre avrikidñipnaskeri baksica.

Le voličiha, so našti vašoda, hoj les hin teštokeri chiba, kidel avri e avrikid'fi avrikidñipnaskeri kartka abo na birinel te genel abo lekhavel (pisinel), šaj ačhel andro than, kaj o avrikidñipnaskere kartkici pes prikeren, aver voličis, al'e na o členos la okrskovona avrikidñipnaskera komisijatar, ko prikerela e avrikidñipnaskeri kartkica vaš o voličis u la thovela andre kopertka, eventualnones tiž thovela e uradno kopertka andre avrikidñipnaskeri baksica.

### **Sar te del lav pro voličeskero preukazis**

Le voličeskere preukaziha šaj pes del lav avrether le „kherutne avrikidñipnaskere okrskostar“, al'e ča andro avrikidñipnaskero okrskos, so perel andro avrikidñipnaskero obvodos le krajoskero, kaj hin o voličis prihlašimen vaš o f'ikerdo ačhiben andro themutno obvodos.

Ten o voličis kidel avri pro voličeskero preukazis, jov mušinel te del o preukazis pale la volebnona komisija.

### **Sar te del lav andre hordind'fi avrikidñipnaskeri baksica**

Le bare dovodendar, perše te hino nasvalo, šaj o voličis mangel le gaveskero foroskero urados the andro d'ives, kana ačhel o avrikidñipen, leskera avrikidñipnaskera komisija, kaj šaj te hazdel avrether le avrikidñipnaskere kherestar andre hordind'fi avrikidñipnaskeri baksica. E okrskovo avrikidñipnaskeri komisija šaj bičhavel leskere členen la hordind'a avrikidñipnaskera baksicaha ča andro lakero avrikidñipnaskero okrskos.